

31.10.1922 - Sokół

Radworska jednostka Sokola so zalozi	Gründung des Sportvereins „Einheit Sokół“
31. oktobra 1922 założichu „Jednotu Sokół“ w Radworju. Bě to rozsudny podawk za sokołske hibanje, přetož cyrkwinska wyšnosť njepodpěraše Sokół jeho zwjazanosće z „ błudnowěriwcom „ Janom Husom dla, ale protegowaše założenje katolskich sportowych jednotow „ Worjoła “. Hač na Kulow, hdžež so to nachwilnje poradzi, rozsudžichu wšak so młodži katolscy Serbja, podpěrani wot někotrych swojich měšnikow, za jednotnu serbsku sokołsku organizaciju. W Radworju bě 25 do 30 założerskich sobustawow, pozdžišo něhdže 50. Wučer Michał Nawka pohnuwaše hólcow po wuchodženju šule za sokołske sportowanje. Starostaj běštaj Mikołaj Bjarš z Radworja, wot 1928 dwórnišćowy korčmar, a Michał Rječka swojeje wušiknosće jako braška a organizator dla. Jeju zastupjer běJurij Šenk z Bronja. Jako pokładnikaj skutkowaštaj pjekarski Pawoł Bělk a 1924 četačnik Jurij Žur. Nazwučowar bě JanHandrik z Bronja. Přeni zapisowar bě wučer Pawoł Pjetaš, kiž 1924 „Jednotu Sokół w Chróścicach“ założy. Přenje zwučowanje Radworskeje Sokołskeje jednotki bě 09.11.1922 we korčmje „Erbgericht“ - kiž je džensa hosćenc „Meja“. Założenje sportoweje jednotki „Sokola“ je spočatk organizowaneho ludoweho sporta w Radworju. Džensniša sportowa jednotka SV1922 widži so jako naslědnica a džědźičelka sokołskeho sportoweho hibanja a ma tohodla lětoličbu założenja Sokołske jednotki w Radworju we swojim mjenje.	ccc

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=1922_sokol&rev=1663577983

Last update: 2022/09/19 08:59

